



OSNOVNI SUD

ОСНОВНИ СУД

Trg pravde 12, 76100 Brčko distrikt Bosne i Hercegovine; tel: 049/216-499; fax: 049/216-194; mail: admin@osbd.ba

Broj: 96 0 K 031177 11 K
Brčko, 27.04.2012.godine

Ova odluka je pravosnažna
dana 27.04.2012. godine
Osnovni sud u Šabcu
Dana 10.09.2012. godine
M. P.



U IME BRČKO DISTRIKTA BOSNE I HERCEGOVINE

Osnovni sud Brčko distrikt Bosne i Hercegovine, u vijeću sastavljenom od sudija Nebojše Savić kao predsjednika vijeća, i sudija Dragutina Ivanović i Fuada Zlatić kao članova vijeća, uz učesće asistenta Hate Osmanović, u krivičnom predmetu protiv optuženih DIMČE IVČEV i DRAŽENA UROŠEVIĆ, zbog krivičnog djela – Ratni zločin protiv civilnog stanovništva – iz člana 142. stav 1. preuzetog Krivičnog zakona SFRJ, a po optužnici Tužilaštva Brčko distrikt BiH, broj T18 0 KT 0003093 11 od 23.05.2011.godine, nakon održanog glavnog i javnog pretresa, u prisutnosti tužioca Tužilaštva Bd BiH Amele Mustafić, optuženih i njihovog branioca Miodraga Zeljić, advokata iz Brčkog, donio je dana 27.04.2012. godine, i javno objavio

PRESUDU

OPTUŽENI:

1. DIMČE IVČEV, sin Milke, rođen 09.09.1972.godine u Ninbergu, Republika Njemačka, nastanjen u Brčkom, ulica Cvijete Zuzorić broj 11, Pravoslavac, državljanin BiH, JMBG: 0909972181518, oženjen, otac jednog malodobnog djeteta, pismen, SSS, po zanimanju tapetar, nezaposlen, vojsku služio u Šabcu, bez čina, ne vodi se u vojnoj evidenciji, neodlikovan, lošeg imovnog stanja, osuđivan i to: presudom Osnovnog suda Brčko na kaznu zatvora u trajanju od tri mjeseca, uslovno na jednu godinu, pravosnažna 14.10.1998.godine, za krivično djelo iz člana 246. stav 1. KZ RS, presudom Osnovnog suda Brčko distrikta BiH na kaznu zatvora u trajanju dva mjeseca zatvora pravosnažna 13.09.2007.godine, za krivično djelo- Protivpravno oduzimanje slobode- iz člana 176. stav 1 KZ Bd BiH, ne vodi se postupak za drugo krivično djelo, lišen slobode dana 05.05.2011. godine, u 05,30 sati,

2. DRAŽEN UROŠEVIĆ zv. „Cicin“, sin Đorđa i majke Milice, djevojački Suša, rođen 30.01.1972.godine u Brčkom, nastanjen u Brčkom u ulici Mladena Maglova broj 11 Brčko distrikt BiH, po sopstvenoj izjavi Rimokatoličke ispovijesti, državljanin BiH, JMBG: 3001972181525, po zanimanju trgovac, nezaposlen, neoženjen, otac jednog mladb. djeteta, pismen, završio srednju trgovačku školu, vojsku služio u 1991. godine, bez čina, neodlikovan, lošeg imovnog stanja, neosuđivan, ne vodi se postupak za drugo krivično djelo, lišen slobode dana 05.05.2011. godine, u 05,35 sati,

KRIVI SU

ŠTO SU:

Za vrijeme ratnog stanja u Republici Bosni i Hercegovini, suprotno pravilima Međunarodnog humanitarnog prava i to odredbama člana 3. stav 1. tačka a) i c) IV Ženevske konvencije o zaštiti građanskih lica za vrijeme rata od 12.08.1949.godine i člana 75. I Dopunskog protokola Ženevske konvencije o zaštiti žrtava međunarodnih oružanih sukoba od 12. avgusta 1949.godine, kao pripadnici Vojske RS i MUP-a RS vršili mučenja, nečovječna postupanja, nanosili velike patnje, povredili telesni integritet, povrede ličnog dostojanstva, pa su tako:

UNIVERZITETU SARAJEVU
Institut za istraživanje zločina protiv
čovječnosti i međunarodnog prava
SARAJEVO

Primijeno:			
Org. rad	Broj	Prilog	Vrijednost
	2/3-4337		

Dimče Ivčev i Urošević Dražen zvani „Cicin“ zajedno:

1. U junu mjesecu 1992.godine u logoru „Luka“ u Brčkom zatočenom civilnom licu Fazlić Salihu zvani „Medan“ nanosili velike patnje i tjelesne ozljede te istog mučili na način da su Fazlića udarali palicama po cijelom tijelu dok nije pao, nakon čega su ga odveli do hangara u kojem je bio prethodno smješten, te su ga na vratima hangara udarali palicom po glavi i ubacili u isti,

Dimče Ivčev sam:

2. Oko 20.maja 1992.godine, u logoru „Luka“ u Brčkom zatočenom civilnom licu Delić Sabriju nanosio velike patnje, tjelesne ozljede te istog mučio tako što je prilikom ispitivanja istog udarao gumenom palicom po cijelom tijelu dok je Delić sjedio na stolici, nakon čega je morao potpisati izjavu bez čitanja da bi ga potom vratio u hangar gdje su bili smješteni ostali zatočeni civili,

čime su počinili:

Dimče Ivčev radnjama pod tačkama 1. i 2. krivično djelo - Ratni zločin protiv civilnog stanovništva - iz člana 142. stav 1. preuzetog Krivičnog zakona SFRJ, a Dražen Urošević radnjama pod tačkom 1. krivično djelo – Ratni zločin protiv civilnog stanovništva – iz člana 142. stav 1. preuzetog Krivičnog zakona SFRJ.

Sud optuženog Ivčev Dimče, zbog počinjenog krivičnog djela, uz primjenu članova 5. 33. 38. 41. 42. stav 1. tačka 2) i 43. stav 1. tačka 1) preuzetog Krivičnog zakona SFRJ,

OSUĐUJE**NA KAZNU ZATVORA U TRAJANJU OD 1 (JEDNE) GODINA I 8 (OSAM) MJESECI**

Sud optuženog Dražena Urošević, zbog počinjenog krivičnog djela, uz primjenu članova 5. 33. 38. 41. 42. stav 1. tačka 2) i 43. stav 1. tačka 1) preuzetog Krivičnog zakona SFRJ,

OSUĐUJE**NA KAZNU ZATVORA U TRAJANJU OD 1 (JEDNE) GODINE**

Sud oštećene Saliha Fazlić i Sabriju Delić, sa imovinsko pravnim zahtjevom upućuje na parnični postupak.

Sud optužene obavezuje da na ime troškova krivičnog postupka plate ukupan iznos od 1.055 KM, odnosno po 527,50 KM i na ime paušala za rad suda iznos od po 100 KM, u roku od 6 (šest) mjeseci, po ravosnažnosti presude, pod prijetnjom prinudne naplate.

Obrazloženje

1. Tužilaštvo Bd BiH, optužnicom broj T18 0 K 0003093 od 23.05.2011.godine, optužilo je Ivčev Dimče i Dražena Urošević da su kršeći pravila međunarodnog prava za vrijeme rata i oružanog sukoba, lično vršili prema civilnom stanovništvu mučenje, nečovječno postupanje, nanošenje velike patnje i povrede tjelesnog integriteta. Predmetnom optužnicom, Ivčevu i Uroševiću je stavljeno na teret da su radnjama pod tačkom 1. i 2. optužnice, počinili krivično djelo – Ratni zločin protiv civilnog stanovništva – iz člana 142. stav 1. u vezi sa članom 48. preuzetog Krivičnog zakona SFRJ (u daljem tekstu: KZ SFRJ).

2. Navedena optužnica je potvrđena 24.05.2011.godine, nakon čega su optuženi pozvani da se izjasne o krivici. Pred sudijom za prethodno saslušanje, oba optužena su se izjasnila da se ne smatraju